

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA KUMI NA SITA**

24 APRILI, 2018



## ORODHA YA SHUGHULI ZA LEO

### MKUTANO WA KUMI NA MOJA

KIKAO CHA KUMI NA SITA – TAREHE 24 APRILI, 2018

I. DUA:

II. MASWALI:

**OFISI YA RAIS (TAMISEMI):**

**125. MHESHIMIWA PAULINE PHILIP GEKUL  
(BABATI MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kata ya Sigino na Vijiji vyake vyote katika Jimbo la Babati Mjini haina kabisa maji safi na salama:-

Je, ni nini mkakati wa Serikali wa kuipatia maji safi na salama Kata hiyo pamoja na Vijiji vyake.

**WIZARA YA ELIMU, SAYANSI NA TEKNOLOJIA:**

**126. MHESHIMIWA PASCHAL YOHANA HAONGA  
(MBOZI):**

Atamuuliza Mheshimiwa Waziri wa Elimu, Sayansi na Teknolojia:- Shule za watu binafsi zinatoa huduma ya elimu kama zilivyo Shule za Umma, lakini kwa muda mrefu zimekuwa zikikabiliwa na changamoto nyingi sana ikiwa ni pamoja na Kodi ya Majengo (*property tax*), Tozo ya *fire*, Kodi ya ardhi na Kodi nyinginezo:-

- (a) Je, Serikali haioni sasa ni wakati muafaka wa kuondoa baadhi ya Kodi zisizokuwa na tija ambazo zimekuwa kero kwa Shule za watu binafsi;
- (b) Je, Serikali haioni ni wakati sasa wa kuzipatia ruzuku Shule binafsi kwa sababu zinashirikiana na Serikali kupunguza tatizo la ajira.

**WIZARA YA MADINI:**

**127. MHESHIMIWA DAIMU IDDI MPAKATE (TUNDURU KUSINI):**

Atamuuliza Mheshimiwa Waziri wa Madini:- Katika Mji wa Tunduru yako mabango mengi yanayoelezea ununuzi wa madini jambo linaloashiria upatikanaji mkubwa wa madini kutoka kwa Wachimbaji wadogo wadogo ambao hawatambuliwi kwa mujibu wa Sheria:-

Je, ni lini Serikali itawatengea maeneo ya kuchimba madini na kuwatambua Kisheria Wachimbaji hao wadogo wadogo.

**128. MHESHIMIWA VICKY PASCHAL KAMATA  
(VITI MAALUM):**

Atamuuliza Mheshimiwa Waziri wa Madini:-  
Kampuni kubwa za uchimbaji madini kama vile GGM, Buzwagi *Gold Mine* na *North Mara Gold Mine* licha ya kulipa kodi kwa Serikali Kuu pia zinawajibika kuhudumia Jamii inayozunguka migodi kwa utaratibu wa uwajibikaji kwa Jamii kwa kutoa fedha au kufadhili miradi ya kijamii au maendeleo:-

- (a) Je, kwa mwaka 2017 Kampuni hizo kila moja ilitoa fedha kiasi gani;
- (b) Je, hadi kufikia Januari mwaka 2018 Kampuni hizo zimetoa kiasi gani.

**WIZARA YA MALIASILI NA UTALII:**

**129. MHESHIMIWA HAWA MCHAFU CHAKOMA  
(VITI MAALUM):**

Atamuuliza Mheshimiwa Waziri wa Maliasili na Utalii:-

Je, Serikali ina mpango gani juu ya Urithi wa Dunia wa Kisiwa cha Kilwa Kisiwani.

**130. MHESHIMIWA MAGDALENA HAMIS SAKAYA (KALIUA):**

Atamuuliza Mheshimiwa Waziri wa Maliasili na Utalii:- Serikali imeunda timu ya Wataalam kutoka katika Wizara nne kupita nchi nzima kuangalia hadhi za Hifadhi zetu (Mapori ya Akiba na Hifadhi za Misitu) ili kuja na mpango utakaoondoa kabisa migogoro ya ardhi inayotokea kati ya Hifadhi na Wafugaji, Wakulima na Hifadhi na Watumiaji wengine:-

(a) Je, ni lini kazi hiyo itakamilika;

(b) Je, mpaka sasa timu hiyo imetembelea maeneo mangapi na ni Mikoa gani.

**WIZARA YA UJENZI, UCHUKUZI NA MAWASILIANO:**

**131. MHESHIMIWA ALMAS ATHUMANI MAIGE (TABORA KASKAZINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Tabora – Mambali – Bukumbi – Shitaga - Tulole mpaka Kahama ipo katika mpango wa Serikali wa kujenga barabara za lami nchini:-

(a) Je, ni lini ujenzi wa barabara hiyo utaanza;

(b) Kumekuwa na mvutano wapi barabara hiyo ingepita baada ya kufika Mambali; mapendekezo ya Bodi ya Barabara ya Mkoa ni kuwa barabara hiyo ipite Bukumbi, Shitage, Tulole na kuunga Kahama; Je, Serikali inatoa msimamo gani baada ya mapendekezo hayo ya Bodi ya Mkoa wa Tabora;

(c) Je, ni lini kipande cha barabara hiyo kitachukuliwa na TANROADS.

**132. MHESHIMIWA FREDY ATUPELE MWAKIBETE (RUNGWE):**

Atamuuliza Mheshimiwa Waziri wa Ujenzi, Uchukuzi na Mawasiliano:- Hapa Nchini kumekuwepo na ukuaji na utumiaji wa mifumo mingi mipya ya Teknolojia kwa ukusanyaji wa kodi na malipo mengine kwa njia ya mtandao (*electronic*):-

(a) Je, Serikali imejipangaje kukabiliana na wizi wa kimtandao kwa Wananchi;

(b) Je, Serikali haioni umuhimu wa kuundwa kwa Bodi ya wana TEHAMA nchini ili kuwa na udhibiti na ufanisi wa watumiaji wa mitandao

nchini na pia wanataaluma wa TEHAMA waweze kuwa na Bodi yao.

## **WIZARA YA NISHATI:**

### **133. MHESHIMIWA DKT. RAPHAEL MASUNGA CHEGENI (BUSEGA):**

Atamuuliza Mheshimiwa Waziri wa Nishati:- Vijiji vya Nyakaboja, Kabita, Chumve Kalemela, Kalago, Badugu na Nyaluhande vimepitiwa na nguzo na nyaya za umeme lakini Wananchi hao hawana huduma ya umeme:-

Je, ni lini Serikali itawapatia umeme Wananchi wa maeneo hayo ili wasiendeele kuwa walinzi wa nguzo za TANESCO.

### **134. MHESHIMIWA PHILIPPO AUGUSTINO MULUGO (SONGWE):**

Atamuuliza Mheshimiwa Waziri wa Nishati:- Wilaya ya Songwe ina jumla ya Vijiji 43 lakini mpaka sasa hakuna Kijiji hata kimoja chenye umeme kwa mpango wa umeme wa REA toka awamu ya kwanza na ya pili:-

Je, Serikali ina mpango gani wa kuhakikisha inatoa upendeleo maalum kwa Vijiji vya Wilaya hii mpya katika awamu ya tatu ya REA.

### III. HOJA ZA SERIKALI:

#### WAZIRI WA UJENZI, UCHUKUZI NA MAWASILIANO:

Kwamba, Bunge sasa likubali kupitisha Makadirio ya Mapato na Matumizi ya Wizara ya Ujenzi, Uchukuzi na Mawasiliano kwa Mwaka wa Fedha 2018/2019.

*(Majadiliano yanaendelea)*

DODOMA  
24 APRILI, 2018

S. KAGAIGAI  
KATIBU WA BUNGE